



07543

文獻通考卷二百三十九

鄱陽馬端臨

貴州興

著

經籍考六十六

集別集

空青遺文十卷

陳氏曰直寶文閣會紆公袞撰紆布之子有異材建中靖國初布在相位奉詔為景靈西宮碑紆之筆也建炎紹興之際將漕江浙入為司農少卿知信衢州以卒汪彥章志其墓孫仲益序其文王銍性之其壻也

文獻通考

卷三十九

經籍

孫鴻慶序公文章固守家法而學詩以母夫人魯國魏氏為師句法清麗絕去刀尺有古詩之風黃魯直遷宜州道出零陵得公江越書事二小詩書團扇上諸詩人莫能辯也

先公敘略曰余自誦涪翁扶藜對蘚之吟曲阜把卷臨燈之句固已心慕公袞才章之盛顧前修日遠自乾淳諸老文字猶多遺落況過江前後閒乎一日西泉吳太史為言此吾鄉空青公也有集藏於家余惟空青公子弟起家文章繼世潛逃於家君柄用之時繼繼於諸賢流落之後未幾滅跡毀

天清閣藏書

廬相隨入黨迄天地重開迨能以三朝正論暴白  
於世視同時諸貴公子孫所謂繼志述事者其爲  
人賢不肖何如也昔石林葉公以親見揚雄美其  
詩以新樣元和評其書以三世風流頌其文近世  
李鴈湖亦謂人惡雋異俗疵文雅如空青諸人雖  
不偶於一時而文采爛然垂後著世不能掩也今  
其遺文如魯殿秦碑見者珍惜自可孤行於南豐  
曲阜之後云

北山小集四十卷

陳氏曰中書舍人信安程俱致道撰俱父祖世科

文獻通考

卷一百一十五

經籍

二

而俱乃以外祖鄧潤甫蔭入仕宣和中賜上舍出  
身爲南宮舍人紹興初入西掖徐俯爲諫大夫封  
還詞頭罷去後以次對修史病不能赴而卒

石林葉氏序略曰余居吳始識致道見其學問風  
節卓然有不獨見於其文者卽爲移書當路并上  
其文數十篇宰相見而驚曰今之韓退之也亟召  
見政事堂其後二十四年閒卒登侍從爲天子掌  
制命文章擅一時今觀其文精確深遠議論皆本  
仁義而經緯錯綜之際則左邱明班孟堅之用意  
也至於詩章兼得唐中葉以後名士衆體晚而在

朝雖不久遇所建明尤偉蓋其爲人剛介自信擇於理者明所行寧失之隘不肯少貶以從物是以善類皆相與推先惟恐失之雖有不樂之者亦不敢秋毫加疵病信乎直道之不終屈也

陵陽集五十卷

陳氏曰中書舍人仙井韓駒子蒼撰自幼能詩黃太史稱其超軼絕塵蘇文定以比儲光羲游太學不第政和初獻書召試出身後入西掖坐蘇氏鄉黨曲學罷

丹陽集四十二卷 後集四十二卷

文獻通考

卷一百一十五

經籍

三

陳氏曰顯謨閣待制江陰葛勝仲魯卿撰紹聖四年進士元符三年詞科洪慶善序其文有所謂絕郭天信拒朱勳慙盛章而怒李彥者蓋其平生出處之略也再知湖州後遂家焉

孫鴻慶序略曰公中宏詞第一時天子輯瑞應蒐講彌文報禮上下四方以符瑞來告者不可勝數大臣表賀皆出公手瑰奇英麗獨步一時公卿交譽屢遷擢大司丞遂躋法從

酖陵集五十卷

陳氏曰參政文清酖陵張守全真撰一字子同崇

寧進士詞科紹興執政張魏公在相位薦秦檜再用守有力焉一日與魏公言某誤公聽今朝夕同班列得款曲其人似以曩者一跌爲戒有患失心宜自劾謝上魏公爲作墓誌著其語

張章簡華陽集四十卷

陳氏曰參政金壇張綱彥正撰大觀中舍法三中首選釋褐爲承事郎辟雍正蓋專於新學者紹興初在瑣闥忤張俊求去復與秦隙遂引年秦亡乃召用乾道初年八十四而終自號華陽老人華陽者茅山也

文獻通考

卷一百一十五

經籍

四

非有齋類彙五十卷

陳氏曰給事中吳興劉一止行簡撰宣和三年進士居瑣闥僅百餘日忤秦檜罷去閒居十餘年以次對致仕檜死被召力辭進雜學士而終年八十  
二實紹興庚辰

竹西集十卷 西垣集五卷

陳氏曰兵部侍郎維揚王居正剛中撰宣和三年進士紹興初八詞掖西垣集者制草及繳章也其篇目凡繳章皆云封還詞頭蓋其子孫編次者之失也除授則有詞頭政刑庶事何詞頭之有

張巨山集三十卷

陳氏曰中書舍人光化張嶠巨山撰嶠爲司勳郎官金人再取河南秦相皇恐上章引伊尹善無常主及周任不能者止之文以自解嶠之筆也秦德之遂擢修註掌制而其具橐倉卒誤以伊尹告太甲爲告湯及周任之言爲孔子自言時祕書省寓傳法寺有書其門曰周任爲孔聖太甲作成湯秦疑諸館職爲之多被逐然嶠亦以答檜三折肱之語謂其貳於己無幾亦罷

默成居士集十五卷

文獻通考

卷一百一十五

經籍

五

陳氏曰中書舍人潘良貴子賤撰一字義榮剛介之士也朱侍講序其集略見其出處大致

朱子敘略曰公自宣和初爲博士則已不肯託昏富貴之家而獨嘗論斥大臣蒙蔽之姦及爲館職又不肯游蔡京父子門使淮南又不肯與中官同燕席靖康召對因論時宰何栗唐恪不可用恐誤國事以是謫去不旋踵而言果驗建炎初召爲右司諫首論亂臣逆黨當用重典以正邦法壯國威且及當時用事者姦邪之狀大爲汪黃所忌書奏三日而左遷以去紹興入爲都司又忤時相以歸

復爲左史直前奏事明大公至正之道服喪還朝  
又以廷叱奏事官而忤旨以去自是之後秦檜擅  
朝則公遂廢於家而不復起矣然公平生廉介自  
持自少至老出入三朝而前後在官不過八百六  
十餘日所居僅庇風雨郭外無尺寸之田經界法  
行獨以邱墓之寄輸帛數尺而已其清苦貧約蓋  
有人所不堪者而處之超然未嘗少屈於檜其子  
熹暴起鼎貴勢傾內外亦未嘗與通問也嘗誦君  
子三戒之言而深以志得之規痛自儆飭至於造  
次之間一言一行凡所以接朋友教子弟亦未嘗

文獻通考

卷稽元

經籍

六

不以孝弟忠敬節儉正直防微謹獨之意爲本其  
讀書磨鏡之喻切中學者之病當世蓋多傳之而  
所論汲長孺蓋寬饒之爲人尤足以見其志之所  
存也嗚呼若公之清明直諫確然亡慾其真可謂  
剛毅而近仁矣夫以三代之時聖人之世而夫子  
已歎剛者之不可見況於百世之下幸有如公者  
焉而不得少申其志以沒其條奏草橐有補於時  
可爲後法者又以公自焚削而不復存其平生之  
言頗可見者獨有賦詠筆札之餘數十百篇而已  
後之君子蓋將由此以論公之事其可使之沒沒

無傳而遂已乎

筠溪集二十四卷

陳氏曰戶部侍郎連江李彌遠似之撰大觀三年上舍第一知冀州能抗金賊攝江東帥與忠定平周德之亂晚爲從官沮和議坐廢而終

鄱陽集十卷

陳氏曰徽猷閣直學士鄱陽洪皓光弼撰皓奉使金虜守節不屈旣歸爲秦所忌謫英州死之日與秦適相先後三子登詞科俱顯貴

東窗集四十卷

文獻通考

卷之三

經籍

七

陳氏曰中書舍人鄱陽張廣彥實撰與呂居仁爲詩友其在西掖當紹興十一年

雪溪集略八卷

陳氏曰汝陰王銍性之撰國初周易博士昭素之後也其父萃樂道嘗從歐公學銍爲會紆壻嘗撰七朝國史紹興初常同子正薦之詔視秩史官給札奏御會秦氏柄國中止書竟不傳其子明清著揮塵錄

竹軒雜著十五卷

陳氏曰太常少卿永嘉林季仲懿成撰以趙元鎮

薦入朝奏疏沮和議得罪仲熊叔豹季狸其弟也  
皆知名

北山集三十卷

陳氏曰端明殿學士金華鄭剛中亨仲撰紹興二  
年亞魁受知秦相使川陝後忤意貶死封州

澹菴集七十八卷

陳氏曰端明殿學士忠簡廬陵胡銓邦衡撰建炎  
甲科第五人既上書乞斬秦檜謫嶺海秦死得歸  
孝宗卽位始復官召用又以沮再和之議得罪去  
乾道中入爲丞郎亦不容於時奉祠至淳熙七年

文獻通考

卷三百三

經籍

八

乃終七十九

平園周氏跋曰胡忠簡公詩有不可及者三用事  
博而精下語豪而華一也士子投獻必用韻酬答  
雖百韻亦然愈多而愈工二也此篇和王君行簡  
時年七十五長歌小楷與四五十人無異三也誠  
齋序先生之文肖其爲人議論闕以挺其記序古  
以馴其代言典而嚴其書事約而悉其爲詩蓋自  
詆斥時宰誕置嶺海愁歎酸骨饑蛟血牙風呻雨  
喟濤譎波詭有非人間世之所堪耐者不介於心  
而反昌其詩視李杜夜郎夔子之音蓋加恢奇云

至於騷詞涵茫嶮峯恍剌刻屈挾天之幽洩神之瘦稾臞而不頽恫愀而不懟自宋玉而下不論也李文簡公集一百二十卷

數文閣學士丹棱李燾仁父撰水心集序曰自有文字以來名世數十大抵以筆勢縱放凌厲馳騁爲極功風霆怒而江河流六驥調而八音和春輝秋明而海澄嶽靜也高者自能餘則勉而效之矣雖然此韓愈所謂不逮莊騷其上無是也觀公大篇詳而正短語簡而法初未嘗藻黼琢鏤以媚俗爲意曾點之瑟方希化人之酒欲清又非以聲色

文獻通考

卷一百一十五

經籍

九

臭味自怡悅也獨於古文墜學堂上之議起虞造周如挈裘領振之焉固遺其下而獨至其上者歟蜀自三蘇死公父子兄弟後起兼方合流以就家學綜練古今名實之際有補於世天下傳以繼蘇氏云

沈子壽文集

水心集序曰吳興沈子壽少入太學名聞四方仕四十餘年黜於王官再入郡三佐帥幕公私樵賴而子壽老矣然其平生業嗜文字若性命在身非外物也甲乙自著累百千首嗚呼何其勤且多也

余後學也不足以識子壽之文其不爲音險而瑰  
富精切自然新美使讀之者如設芳醴珍肴足飲  
饜食而無醉飽之失也又能融釋衆疑兼趨空寂  
讀者不惟醉飽而已又當消愠忘憂心舒意閑而  
自以爲有得於斯文也觀其開闔疾徐之間旁觀  
而橫陳逸鶩而高翔蓋宗廟朝廷之文非自娛於  
幽遠淡泊者也

徐斯遠文集

水心集序曰斯遠盡平生文僅二十餘首首輒精  
善疑其親自料揀應畱者止此爾徐觀筆墨輕重

文獻通考

藝文類

經籍

十

以十一斂藏千百雖鋪寫縱放亦無怠惰剝落之  
態迷流徙起體勢各成殆非精揀所能致也詩險  
而肆對面厓壑咫尺千里操舍自命不限常律慶  
歷嘉祐以來天下以杜甫爲師始黜唐人之學而  
江西宗派章焉然而格有高下枝有工拙趣有淺  
深材有大小以夫汗漫廣莫徒枵然從之而不足  
充其所求曾不如脰鳴吻映出毫芒之奇可以運  
轉而無極也故近歲學者已復稍趨於唐而獲焉  
曷若斯遠淹玩衆作凌暴偃蹇情瘦而意潤貌枯  
而神澤既能下陋唐人方於宗派斯又過之斯遠

有物外不移之好負山林沈痼之疾而師友學問  
小心抑畏異方名聞之士未嘗不遐歎長想千里  
而同席也初渡江時上饒號稱賢俊所聚義理之  
宅如漢許下晉會稽焉風流幾泯議論將絕斯遠  
與趙昌父韓仲止扶植遺緒固窮一節難合而易  
忤視榮利如土梗以文達志爲後生法凡此皆強  
爲善者之所宜知也

相山集二十六卷

陳氏曰朝奉大夫濡須王之道彥猷撰宣和六年  
兄弟三人同登科建炎寇亂率衆保明避山從之

文獻通考

卷一百一十五

經籍

十一

者皆得免以功改京官沮和議得罪晚年歷磨節  
其子蘭被遇阜陵貴顯

韋齋小集十二卷

陳氏曰吏部員外郎新安朱松喬年撰侍講文公  
之父也文公嘗言韋齋先生自爲兒童時出語已  
驚人及去場屋始放意爲詩文其詩初亦不事彫  
飾而天然秀發格律閑暇超然有出塵寰之趣

關博士集二十卷

陳氏曰太學博士錢塘關注子東撰紹興五年進  
士嘗爲湖州教授自號香巖居士

石月老人集三十五卷

陳氏曰朝議大夫致仕鄱陽余安行勉仲撰安行累舉不第其子應求以童子登崇寧五年進士科爲御史歷磨節所至迎養其父至九十六乃終著書號至言蓋純篤之士也

王著作集四卷

陳氏曰著作郎福清王蘋信伯撰從程門學以趙忠簡薦召對賜出身秦檜惡之會其族子坐法牽連文致奪官以死

屏山集二十卷

文獻通考

卷之五

經籍

五

陳氏曰通判興化軍崇安劉子翬彥冲撰父幹兄子羽子翬以蔭入仕年甫四十八而卒朱文公其門人也嘗謂朱曰吾少聞佛老之說歸讀吾書然後知吾道之大體用之全如此於易得入德之門爲作復齋銘聖傳論可以見吾志矣

東谿集二十卷

陳氏曰迪功郎漳浦高登彥先撰考試潮州策問忤秦相謫死

水心葉氏敘略曰君高遠獨出無拘畱泥滓閒意學已成謂當直施用不曲步捷行以漸巧取之論

說必窮盡欲砭時陋扶世壞文不爲扶疏茂好惟  
自根極而成者無不具也故不得志於科舉至轉  
富入貧本業微析終不動心一以溪山雲月爲家  
宅筆墨簡策爲情性常覃研竟日曰孔顏不如是  
也

繡經堂集八卷

陳氏曰知盱台軍東平畢良史少董撰文簡公士  
安五世孫嘗陷虜有從之游者因爲圖名繡經寫  
其訪問紬繹之狀

三近齋餘錄

文獻通考

卷一百一十五

經籍

三

朝奉郎知信州王從正夫撰從文正公五世孫有  
詩文四百八十餘篇自題三近齋餘錄楊誠齋序  
略曰其詩如落木森猶力寒山淡欲無如地迴高  
樓目天寒故國心如涼風回遠笛暝色帶歸舟如  
塵心依水淨歸鬢與山青不減晚唐諸子如墮蘂  
盡應輸燕子懶寒猶及占梨花如一番風雨催寒  
食千里鶯花想故園如身閒更得憑陵酒花早殊  
非愛惜春如秋生列岫雲尤薄泉瀨懸厓路更慳  
置之江西社中何辨幽蘭云臨春慘不舒蓋國空  
自香意不在蘭也至於騷辭如釣臺沐髮乞巧悼

亡等篇出入遠游天問之海頡頏幽通思元之匱  
矣及上前論事之文皆卓然近用又如盞餐豆肉  
之可以求飽笥裳篋續之可以御冬使其遇合功  
用詎可量哉紀之顛鄭之瓚積而不離瘞而不起  
久則光怪四出貫日襲月有不可掩者惟不求知  
所以不可掩也歟

藥寮叢藁二十卷

陳氏曰太常少卿上蔡謝伋景思撰參政克家之  
子

水心葉氏序略曰崇觀後文字散壞相矜以淨肆

文獻通考

卷一百一十五

經籍

十四

於險膚無據之辭苟以蕩心意移耳目取貴一時  
雅道盡矣謝公尙童子脫巾髦游太學俊筆涌出  
排窄考蒼而不能不受俗學薰染自漢魏根底齊  
梁波流上訴經訓旁涉傳記門樞戶鑰庭旅陞列  
機彙組繡老擊金石洗削纖巧完補太樸其藁園  
小畫記蓋謝靈運山居之約言志潔而稱物芳無  
憂憤不堪之情也

巖壑老人詩文一卷

陳氏曰左朝請大夫洛陽朱敦儒希真撰初以遺  
逸召用嘗爲館職旣挂冠秦檜之孫墳欲學爲詩

起希眞爲鴻臚少卿將使教之

鶴溪集十二卷

陳氏曰辟雍博士青田陳汝錫師予撰紹聖四年進士持節數路帥越而卒青田登科人自汝錫始希點子與其孫也

岳武穆集十卷

陳氏曰樞副鄴郡岳飛鵬舉撰飛功業偉矣不必以集著也世所傳誦其賀和議成一表當亦是幕客所爲而意則出於岳也

漢濱集六十卷

文獻通考

藝文類聚

經籍

五

陳氏曰參政襄陽王之望瞻叔撰周益公爲集序序略曰公生於羊杜成功之地慕其爲人博學能文知略輻輳學根於經故有淵源文適於用故無枝葉奏劄甚多皆可行之言內制雖少得坦明之體酷嗜吟詠詞贍而理到近世論文章事業公實兼之豈與夫一編一曲之士較短量長而已

玉山翰林詞草五卷

陳氏曰尚書玉山汪應辰聖錫撰紹興五年進士首選本名洋御筆改賜天才甚高而不喜爲文謂不宜做精神於無用然每作輒過人以天官兼翰

苑近二年所撰制誥溫雅典實得王言體朱晦翁  
稱爲近世第一

太倉稊米集七十卷

陳氏曰樞密編修宣城周紫芝少隱撰自號竹坡  
居士

白蘋集四卷

陳氏曰右文林郎單父龐謙孺祐甫撰莊敏公籍  
之曾孫也用季父恩仕不遂而死韓南澗志其墓  
嘗客居吳興故集名白蘋

南澗甲乙橐七十卷

文獻通考

卷一百一

經籍

六

陳氏曰吏部尙書穎川韓元吉無咎撰門下侍郎  
維之元孫與其從兄元龍子雲皆嘗試詞科不利  
居廣信谿南號南澗

艇齋雜著一卷

陳氏曰南豐曾季狸裘父撰鞏之弟曰湘潭主簿  
宰宰之孫曰大理司直晦之季狸其子也多從呂  
居仁徐師川游曾一試禮部不中乾淳間名公多  
敬畏之具見其子澠所集師友尺牘此篇蓋其議  
論古今之文辭質而義正可以得其人之大略

陳氏曰蘄春吳億大年撰其父擇仁爲尙書億仕至靜江倅居餘干有溪園佳勝世傳其樓雪初消詞爲建康帥鼂謙之作

于湖集四十卷

陳氏曰中書舍人歷陽張孝祥安國撰甲戌冠多士出思陵親擢秦相孫埴旣居其下秦忌惡之以他事下其父子大理獄明年秦亡上旣素眷不五年登法從阜陵尤眷之不幸不得年死時才四十餘上常有不用不盡之歎其文翰皆超逸天才也

南軒集三十卷

文獻通考

卷一百一十五

經籍

七

陳氏曰侍講廣漢張栻欽夫撰魏忠獻公浚之長子當孝宗朝以任子不賜第入西掖者韓元吉劉孝躋其入經筵則栻也

王司業集三十卷

陳氏曰國子司業宛邱王逯致君撰建炎初其家避狄沿汴南下逯年十一偶小泊登岸虜適至亟解維不暇顧遂失之在虜十年閒關得歸其父工部尙書僕旣歸入太學登癸未科爲諫官御史歷磨節終於少司成

周平園序略曰公志氣強學問博其文章贍而不

失之泛嚴而不失之拘議論馳騁於數千百載之上而究極利害於四方萬里之遠其爲歌詩慷慨憂時而比興存焉他文閎辯該貫直欲措諸事業所謂援古證今黼黻其辭特餘事耳

浮山集十六卷

陳氏曰左朝請大夫江都仲并彌性撰紹興壬子進士晚丞光祿寺得知蘄州并嘗倅湖籍中有所盼爲作生朝青詞好事傳誦之遂漏露坐謫官其訓詞略曰爾爲瀆侮之詞曾不知畏天其知畏吾法乎吾鄉前輩能道其事如此

文獻通考

卷一百一十五

經籍

六

周平園序略曰彌性自少卓犖不羣潛心問學力排王氏一偏之說惟六藝孔孟是師筆勢翩翩俊聲籍甚古律如王良造父馭駿馬駕車有奔軼絕塵之勢其廣險韻如繭抽絲印印泥愈出愈新送妹長篇孝友慈愛溢於言外殆欲上規風雅其四六敘事雖閎肆而關鍵甚密對屬雖切而非駢儷所能拘最後蘄州謝上表以古文就今體自成一  
家雜著題跋清雅可愛復以餘力出入釋氏游戲  
歌詞無不過人

小醜集十二卷

續集三卷

陳氏曰直祕閣眉山任盡言元受撰元符諫官伯  
雨之孫紹興從臣申先之子甲科仕爲太常寺主  
簿終於閩憲

楊誠齋序謂其詩文孤峭而有風棱雄健而有英  
骨忠慨而有義氣蓋將與唐之貞元元和本朝之  
慶歷元祐諸公並轡而先終非近世陳陳相因累  
累隨行之作也

拙齋集二十二卷

陳氏曰校書郎候官林之奇少穎撰之奇學於呂  
氏本中而太史祖謙學於之奇其登第當紹興辛

文獻通考

卷一百一十五

經籍

七

未年已四十未幾卽入館方鄉用而得末疾

霜傑集三十卷

陳氏曰德興董穎仲達撰紹興初人從汪彥章徐

師川游彥章爲作序

妙峯集四十卷

陳氏曰中書舍人福清林通述中撰元符三年甲  
科苗劉之變在酉掖不失節思陵嘉之終龍圖直

學士

鄧峯眞隱漫錄五十卷

陳氏曰丞相文惠公四明史浩直翁撰

論癡符二十卷

陳氏曰御史臨海李庚子長撰論之義術鬻也市人鬻物於市誇號之曰論此三字本出顏氏家訓以譏無才思而流布醜拙者以名其集示謙也庚乙丑進士以湯鵬舉薦辟入臺家藏書甚富

梯雲集二十五卷

陳氏曰中書舍人資川趙達莊叔撰辛未大魁有氣節四十一歲卒

海陵集三十二卷

陳氏曰同知密院海陵周麟之茂振撰乙丑進士

文獻通考

卷一百一十五

經籍

序

戊辰詞科既執政被命使虜亮辭行得罪去

胡獻簡詞垣草四卷

陳氏曰禮部尙書會稽胡沂周伯撰

介庵集十卷

陳氏曰左司郎官趙彥端德莊撰乾淳閒名士也嘗宰餘干趙忠定其邑人初冠多士德莊在朝往謁謝德莊語之曰謹勿以一魁先置胸中可謂名言

言

卷二百三十九終

文獻通考卷二百四十

鄱陽馬端臨貴與著

經籍考六十七

集別集

石湖集一百三十六卷

陳氏曰參政吳郡范成大至能撰初以起居郎使虜附奏受書事抗虜於其殿陛閒歸時益被上眷以至柄用石湖在太湖之濱姑蘇臺之下去城十餘里面湖爲堂號鏡天閣又一堂扁石湖二字阜陵宸翰也今日就荒毀更數年恐無復遺跡矣一

文獻通考

善禧學

經籍

一

再過之爲之慨然

誠齋序其集曰公訓誥具西漢之爾雅賦篇有杜牧之之刻深騷辭得楚人之幽遠序山水則柳子厚序任俠則太史遷至於大篇決流短章斂芒縛而不釀縮而不窘清新嫵媚奄有鮑謝奔逸雋偉窮追太白求其隻字之陳陳一唱之鳴鳴而不可得也今四海內詩人不過三四而公皆過之無不及者予於詩豈敢以千里畏人者而於公獨斂衽焉

周益公集二百卷

年譜一卷

附錄一卷

陳氏曰丞相文忠益公廬陵周必大子充撰一字  
弘道其家既刊六一集故此集編次一切視其凡  
目其間有奉詔錄親征錄龍飛錄思陵錄凡十一  
卷以其多及時事託言未刊人莫之見鄭子敬守  
吉募工人印得之余在莆田借錄爲全書然漫其  
數十處益公自號平園叟

後村劉氏曰平園晚作益自磨礪然散語終是洗  
滌詞科氣習不盡惟所撰林艾軒誌銘極簡嚴有  
古意

渭南集三十卷 劍南詩彙續彙八十七卷

文獻考通

卷四

經籍

二

陳氏曰華文閣待制山陰陸游務觀撰左丞佃之  
孫紹興末召對賜出身隆興初爲密院編修官鄉  
用矣坐漏泄省中語阜陵以爲反覆斥遠之後以  
夔倅入蜀益自放肆不護細行自號放翁在蜀九  
年乃歸晚由嚴陵召爲南宮舍人將內禪周益公  
薦其直北門上終不用及韓氏用事游旣桂冠久  
矣有幼子澤不逮爲侂胄作南園記起爲大蓬遂  
以次對再致仕嘉定庚午年八十六而終游才甚  
高幼爲會吉父所賞識詩爲中興之冠他文亦佳  
而詩最富至萬餘篇古今未有故文與詩別行渭

南者封渭南縣伯

復齋制表二卷

陳氏曰刑部侍郎王秬嘉叟撰初寮安中之孫紹興乾道間名士也陸放翁與之厚善

盤洲集八十卷

陳氏曰丞相文惠公鄱陽洪适景伯撰忠宣之長子方奉使時文惠甫十三歲後與其弟遵同中壬戌宏博科本名造後改焉又三年乙丑弟邁繼之世號三洪其自淮東總領入爲太常少卿一年而入右府又半年而拜相然在位僅三閱月爲林安宅所攻而去嘗一帥鉞閑居十六年而終

文獻通考

藝文類聚

經籍

三

小隱集七十卷

陳氏曰樞密文安公洪遵景嚴撰其進用最先於兄弟而得年不永薨於淳熙元年

野處類稿二卷

陳氏曰翰林學士文敏公洪邁景廬撰其全集未見

誠齋集一百三十三卷

陳氏曰寶謨閣學士文節公廬陵楊萬里廷秀撰當淳熙末爲大蓬論思陵配享不合去及韓侂胄

用事召之卒不至自次對遷至學士聞開禧出師不食而死自作江湖集序曰予少作有詩千餘篇至紹興壬午皆焚之大槩江西體也今所存曰江湖集者蓋學后山及半山及唐人者也

荆溪集序予之詩始學江西諸君子既又學后山五字律既又學半山老人七字絕句晚乃學絕句於唐人學之愈力作之愈寡嘗與林謙之屢歎之謙之云擇之之精得之之艱又欲作之之不寡乎之官荆谿嘗以告曰作詩忽若有寤於是辭謝唐人及王陳江西諸君子皆不敢學而後欣如也

文獻通考

卷一百一

經籍

四

南海集序予好爲詩初好之既而厭之紹興壬午予詩始變予乃喜既而又厭之至乾道庚寅詩又變淳熙丁酉詩又變時假守毗陵友人尤延之云予詩每變每進今老矣未知能變否能變矣未知能進否

程文簡集二十卷

陳氏曰吏部尙書新安程大昌泰之撰每卷分上下其實四十卷也博學長於考究著述甚多皆傳於世

樵隱集十五卷

陳氏曰信安毛升平仲撰禮部尚書友之子負才  
傲世仕止州倅與尤遂初厚善臨終以書別之屬  
以志墓延之既爲銘又序其集

梁溪集五十卷

陳氏曰禮部尚書錫山尤袤延之撰家有遂初堂  
藏書爲近世冠

鄭景望集三十卷

陳氏曰宗正少卿永嘉鄭伯熊景望撰

歸愚翁集二十六卷

陳氏曰秀州判官鄭伯英景元撰近世永嘉學者

文獻通考

卷一百一十五

經籍

五

推二鄭伯熊紹興乙丑進士自隆興初爲館職王  
府東宮官至少司成宗正卿用矣每小不合輒乞  
去卒於建寧守伯英癸未甲科第四人以親養三  
十年不調竟不出二人皆豪傑之士也

水心葉氏序曰余嘗歎章蔡氏擅事秦檜終成之  
更五六十年閉塞經史滅絕理義天下以佞諛鄙  
淺成俗豈惟聖賢之常道隱民葬并喪矣於斯時  
也士能以古人流前輩出處終始執守慨然力  
行爲後生率非瑰傑特起者乎吾永嘉二鄭公是  
已蓋長曰伯熊字景望季曰伯英字景元大鄭公

恂恂少而德成經爲人師深厚悃悃無一指不本於仁義無一言而不關於廊廟而景元俊健果決論事憤發思得其志則必欲盡洗紹聖以來弊政復還祖宗之舊非隨時默默苟爲祿仕者也景望徇道寂寞視退如進官至宗正少卿而止初景元中進士第第四人少卿喜而笑曰子一日先我矣然旣任秀州判官遂以親辭終其身二十餘年不復仕朝廷亦卒不徵用何者諸公貴人知其才大氣剛中心畏之方以其自重不浪出無能害已爲幸而不暇以廢格科目摧折名士爲已責故也豈

文獻通考

卷禧學

經籍

六

不悲哉自二鄭公後儒豪接踵而永嘉與爲多然皆兄事景元方其家居得朋友通共有無竝坐接席不知歲月遷改自謂如華胥至樂故其講習見聞尤精而片辭半簡必獨出肺腑不規倣衆作也夫孔翠鸞鳳矜其華采顧影自耀爲世珍惜是旣然矣若夫蛟龍之興雲雨則雷電皆至靈靈百里豈區區然露小技術細巧而足哉余懼覽者未察因次其本末如左

晦庵集一百卷 紫陽年譜三卷

陳氏曰侍講文公新安朱熹元晦撰年譜李方子

公晦所述其門人也

勉齋黃氏曰周程張邵之書所以繼孔孟道統之傳歷時未久微言大義鬱而不彰爲之哀集發明而後得以盛行於世太極先天圖精微廣博不可涯涘爲之解剝條畫而後天地本原聖賢蘊奧不至於泯沒程張門人祖述其學所得有淺深所見有疏密先生旣爲之區別以悉取其所長至或識見小偏流於異端者亦必研窮剖析而不沒其所短南軒張公東萊呂公同出其時先生以其志同道合合樂與之友至或見識少異亦必講磨辯難以一其歸至若求道而過者病傳註誦習之煩以爲不立文字可以識心見性不假修爲可以造道入

文獻通考

卷一百一

經籍

七

德守虛靈之識而昧天理之真借儒者之言以文佛老之說學者利其簡便詆訾聖賢捐棄經典猖狂叫喚側僻固陋自以爲悟立論愈下者則又崇聲漢唐比附三代以便其計功謀利之私二說並立高者陷於空無下者溺於卑陋其害豈淺淺哉先生力排至俾不至亂吾道以惑天下於是學者靡然向之先生教人以大學論孟中庸爲入道之序而後及諸經以爲不先乎大學則無以提綱挈

領而盡論孟之精微不參之以論孟則無以融會貫通而極中庸之旨趣然不會其極於中庸則又何以建立大本經綸大經而讀天下之書論天下之事哉其於讀書也又必使之辨其音釋正其章句玩其辭求其意研精覃思以究其所難知平心易氣以聽其所自得然爲已務實辨別義利毋自欺謹其獨之戒未嘗不三致意焉蓋亦欲學者窮理反身而持之以敬也從游之士迭誦所習以質其疑意有未諭則委曲告之而未嘗倦問有未切則反復戒之而未嘗隱務學篤則喜見於言進道

文獻通考

卷四

經籍

八

難則憂形於色講論經典商略古今率至夜半雖疾病支離至諸生問辨則脫然沈疴之去體一日不講學則惕然常以爲憂樞衣而來遠自川蜀文詞之傳流及海外至於夷虜亦知慕其道竊問其起居窮鄉晚出家蓄其書私淑諸人者不可勝數先生既沒學者傳其書信其道者益衆亦足以見理義之感於人者深矣繼往聖將微之緒啓前賢未發之機辨諸儒之得失闢異端之詭繆明天理正人心事業之大又孰有加於此者至若天文地理志律歷兵機亦皆洞究淵微文詞字畫騷人才士

疲精竭神嘗病其難至先生未嘗用意而亦皆動中規繩可爲世法是非資稟之異學行之篤安能事事物物各當其理各造其極哉學修而道立德成而行尊見之事業者又如此秦漢以來迂儒曲學旣皆不足以望其藩牆而近代諸儒有志乎孔孟周程之學者亦豈能以造其閫域哉嗚呼是殆天所以相斯文焉篤生哲人以大斯道之傳也

習菴集十二卷

陳氏曰戶部侍郎曾逮仲躬撰文清公幾之子

東萊呂太史集十五卷

別集十六卷

外集五卷

文獻通考

卷一百一

經籍

九

附錄三卷

陳氏曰著作郎東萊呂祖謙伯恭撰其弟祖儉編錄凡家範尺牘之類編之別集策問宏詞程文之類總之外集年譜遺事則見附錄太史曾文清外孫隆興癸未鎮廳甲科宏詞亦入等仕未達得末疾奉祠年才四十五卒於淳熙辛丑平生著述皆略舉端緒未有成書者學者惜之

大愚叟集十一卷

陳氏曰太府寺丞呂祖儉子約撰祖謙弟也慶元初上封事論救祭酒李祥謫高安以沒寓居大愚

寺故以名集

千巖釋臺七卷 外編三卷 續編四卷

陳氏曰知峽川三山蕭德藻東夫撰嘗宰烏程後遂家焉楊誠齋序其集曰近世詩人若范石湖之清新尤梁谿之平淡陸放翁之數腴蕭千巖之工致皆余所畏也

濟谿老人遺臺一卷

陳氏曰遇判明州濟源李迎彥將撰永嘉周浮汭先生之壻與先大父爲襟袂集中有送先君子赴戊子秋試詩首句籍甚人言易已東蓋先君治易

文獻通考

舊籍

經籍

十

故也集序周益公作

沂庵集四十卷

陳氏曰新津任淵子淵撰紹興乙丑類試第一人仕至潼川憲嘗注山谷后山詩行於世新津有天社山故稱天社任淵

方舟集五十卷 後集二十卷

陳氏曰資陽李石知幾撰石有盛名於蜀少嘗客蘇符尚書家紹興末爲學官乾道中爲郎歷磨節皆以論罷趙丞相雄其鄉人也素不善石石以是晚益困其自敘云宋魁魯倉今猶古也

歸愚集二十卷

陳氏曰吏部侍郎葛立方常之撰勝仲之子丞相邨之父也以郎官攝西掖忤秦相得罪更化召用言者又以爲附會沈該罷去遂不復起

綺川集十五卷

陳氏曰太常寺主簿歸安倪偁文舉撰紹興八年進士齊齋之父

象山集二十八卷 外集四卷

陳氏曰知荆門軍金谿陸九淵子靜撰與其兄九齡子壽乾淳間名士也象山貴溪結茅其上與士

文獻通考

卷一百一

經籍

十一

友講學山形如象故名

朱子答項平父書曰大抵子思以來教人之法惟以尊德性道問學爲用力之要今子靜所說專是尊德性而熹平日所論却是問學上多了所以爲彼學者多持守可觀而看得義理全不子細又別說一種杜撰道理遮蓋不肯放下而熹自覺雖於義理上不敢亂說却於緊要爲己爲人者多不得力今當返身用力去短集長庶不墮一偏耳

又答孫敬甫書曰陸氏之學在近年一種浮淺頗僻議論中固自卓然非其儔匹其徒博習亦有能

修其身能治其家以施之政事之間者但其宗旨  
本自禪學中來不可揜諱當時若只如鼂文元陳  
忠肅諸人分明招認著實受用亦自有得力處不  
必如此隱諱遮藏改名換姓欲以欺人而人不可  
欺徒以自欺而自陷於不誠之域也然在吾輩須  
知其如此而勿爲所惑若於吾學果有所見則彼  
之言釘釘膠黏一切假合處自然解坼破散收拾  
不來矣切勿與辨以啓其紛拏不遜之論而反爲  
卞莊子所乘也少時喜讀禪學文字見杲老與張  
侍郎書云左右旣得此櫛柄入手便可改頭換面  
却用儒家言語說向士夫接引後來學者其意大  
略如此不能盡記其語後見張公經解文字一用  
此策但其遮藏不密線索漏處多故讀者一見便  
知其所自來難以純自託於儒者若近年則其爲  
術益精爲說浸巧拋閉出沒頃刻萬變而幾不可  
辯矣然自明者觀之亦見其徒爾自勞而卒不足  
以欺人也但杲老之書近見藏中印本却無此語  
疑是其徒已知此陋而陰削去之近得江西一後  
生書有兩語云瞬目掩腕而指本心奮髯切齒而  
談端緒此亦甚中其鄉學之病也

潔齋袁氏集敘曰先生自始知學講求大道不得弗措久而浸明又久而大明此心此理貫通融會美在其中不勞外索揭諸當世曰學問之要得其本心而已心之本真未嘗不善有不善者非其初然也孟子嘗言之矣向爲身死而不受今爲宮室至美妻妾之奉所識窮乏得我而爲之此之謂失其本心其言昭晳如是而學者不能深信謂道爲隱而不知其著謂道爲逸而不知其近求之愈過道愈湮鬱至先生始大發之如指迷塗如藥久病迷者悟病者愈不越於日用之閒而本心在是矣學者親承師訓向也跂望聖賢若千萬里之隔乃今知與我同本培之溉之皆足以敷榮茂遂豈不深可慶哉嗚呼先生之惠後學弘矣先生之言率由中出上而啓沃君心下而切磨同志又下而開曉黎庶及其他雜然著述皆此心也儒釋之所以分義利之所以別剖析至精如辨白黑遏俗學之橫流援天下於旣溺吾道之統盟不在茲乎

林艾軒集二十卷

工部侍郎林光朝撰後村劉氏敘略曰以言語文字行世非先生意也先生乾淳閒大儒國人師之

朱文公於當世之學閒有異同惟於先生加敬然先生學力既深下筆簡嚴高處逼檀弓穀梁平處猶與韓竝驅在當時片簡隻字人已貴重今其存者如岫嶼之碑岐陽之鼓矣先生歿六十年微言散軼復齋陳公某所敘者僅十之二三外孫方之泰討求哀拾彙爲二十卷勤於李漢趙德矣

施正憲集六十七卷 外集三卷

陳氏曰知樞密院廣信施師點聖與撰其在政府六月上眷未衰慨然勇退引去不可回識者壯其決趙南塘汝談其靖也爲敘其集而傳之

文獻通考

卷一百一十五

經籍

十四

適齋類彙八卷

陳氏曰奉新袁去華宣卿撰紹興乙丑進士改官知石首縣而卒善爲歌詞嘗賦長沙定王臺見稱於張安國爲書之

梅溪集三十二卷 續集五卷

陳氏曰詹事樂清王十朋龜齡撰丁丑大魁立朝剛正劉珙作敘

劉氏集敘略曰公始以諸生對策廷中一日數萬言被遇太上皇帝親擢冠多士取其言行之及佐諸侯入冊府事今上於初潛又皆以忠言直節有

所裨補上亦雅敬信之登極之初卽召以爲侍御  
史納用其說公知上意以必復土疆必雪讎恥爲  
己任其所言者莫非修德行政任賢討軍之實而  
於分別邪正之際尤致意焉平居無所嗜好顧喜  
爲詩渾厚質直懇惻條暢如其爲人不爲浮靡之  
文論事取極已意然其規模宏濶骨骼開張出入  
變化俊偉神速世之盡力於文字者往往反不能  
及其他片言半簡雖或出於脫口肆筆之餘亦無  
不以仁義忠孝爲歸而皆出於肺腑之誠然非有  
所勉強慕倣而爲之也蓋其所稟於天者純乎陽  
德剛明之氣是以其心光明正大舒暢洞達無所  
隱蔽而見於事業文章一皆如此海內有志之士  
聞其名誦其言觀其行而得其心無不斂衽心服  
至於小人雖以一時趨向之殊或敢巧爲謗詆然  
其極口不過以爲迂濶近名不切時務至其大節  
之偉然者則不能有以毫髮點汙也

酒隱集三卷

陳氏曰宣州司理趙育去病撰其父鼎臣承之號  
竹隱畸士也

陳氏曰起居郎建安熊克子復撰皆四六應用之文也亦無過人者克以王丞相季海薦驟用王時在樞府趙溫叔當國莫知其所從來頗疑其由徑沮之上意向之不能回也

拙菴雜著三十卷 外集四卷

陳氏曰工部侍郎東平趙礪老渭師撰門下侍郎野之姪以婦翁歐陽懋待制澤入任從范石湖使虜虞丞相并父亦薦之遂擢用知臨安坐殿司招兵事謫饒州

雙溪集二十卷

文獻通考

卷一百一

經籍

六

陳氏曰知郴州東陽曹冠宗臣撰由舍選登甲科坐爲秦墳假手奪官再赴廷試得初品

止齋集五十二卷

陳氏曰中書舍人永嘉陳傅良君舉撰三山本五十卷

水心葉氏墓誌曰初講城南櫟院時諸老先生傳科舉舊學摩蕩鼓舞受教者無異辭公未三十心思挺出陳編宿說披剝潰敗奇意芽甲新語懋長士蘇醒起立駭未曾有皆相號召雷動從之雖糜他師亦籍名陳氏由是其文擅於當世公不自喜

悉謝去獨崇敬鄭景望薛士龍師友尊之入太學  
則張欽夫呂伯恭相視遇兄弟也公之從鄭薛也  
以克已兢畏爲主敬德集義於張公盡心焉至古  
人經制三代治法又與薛公反復論之而呂公爲  
言本朝文獻相承所以垂世立國者然後學之內  
外本末備矣公猶不已年經月緯晝驗夜索詢世  
舊繙吏牘蒐斷簡採異聞一事一物必稽於極而  
後止千載之上珠貫而絃組之若目見其身相旋  
其閒呂公以爲其長不獨在文字也

文獻通考

卷一百一

經籍

七

文獻通考卷二百四十一

鄱陽馬端臨貴與著

經籍考六十八

集 別集

水心集二十八卷 拾遺一卷 別集十六卷

陳氏曰吏部侍郎永嘉葉適正則撰淮南本無拾遺編次亦不同外集者前九卷為制科進卷後六卷號外彙皆論時事末卷號後總專論買田贍兵

邱文定集十卷 拾遺一卷

陳氏曰樞密江陰邱崇宗卿撰隆興癸未進士第

文獻通考

卷四十一

經籍

一

三人其文慷慨有氣而以吏能顯故其文不章

趙忠定集十五卷 奏議十五卷

陳氏曰丞相福公趙汝愚子直撰別本總為一集

亦三十卷

鴈湖李氏書後丞相餘干趙公秉正履度即之凜然至形於篇章則思致清麗逸發雖古今能文辭者有不逮而世顧鮮知者非繇德業之巨器能之

偉所以詞華見沒邪

龍川集四十卷 外集四卷

陳氏曰永康陳亮同甫撰少入太學嘗三上孝廟

書召詣政事堂宰相無弘度迄報罷後病免舉爲  
癸丑進士第一未祿而卒所上書論本朝治體本  
末源流一時諸賢未之及也亮才甚高而學駁其  
與朱晦庵往返書所謂金銀銅鐵混爲一器者可  
見矣平生不能詩外集皆長短句極不工而自負  
以爲經綸之意具在是尤不可曉也葉正則未遇  
時亮獨先識之後爲集序及跋皆含譏諛識者以  
爲議

水心葉氏集敘曰同甫文字行於世者酌古論陳  
子課臺上皇帝三書最著者也子沆聚他作爲若

文獻通考

卷四百

經籍

二

干卷以授予初天子得同甫所上書驚異累日以  
爲絕出使執政召問當從何處下手將由布衣徑  
唯諾殿上以定大事何其盛也然而詆訕交起竟  
用空言羅織成罪再入大理獄幾死又何酷也使  
同甫晚不登進士第則世終以爲狠疾人矣嗚呼  
悲夫同甫其果有罪於世乎天平余知其無罪也  
同甫其果無罪於世乎世之好惡未有不以情者  
彼於同甫何獨異哉雖然同甫爲德不爲怨自厚  
而薄責人則疑若以爲有罪焉可矣同甫旣修皇  
帝王霸之學上下二千餘年考其合散發其祕藏

見聖賢之精微常流行於事物儒者失其指故不足  
以開物成務其說皆今人所未講朱公元晦意  
有不與而不能奪也呂公伯恭退居金華同甫聞  
往視之極論至夜呂公歎曰未可以世爲不能用  
虎帥以聽誰敢犯子同甫亦頗慰意焉余最鄙且  
鈍同甫微言十不能解一二獨以爲可教者病眊  
十年耗忘盡矣今其遺文大抵班班具焉覽者詳  
之而已

軒山集十卷

陳氏曰樞密使獻肅公濡須王藺謙仲撰淳熙乙

文獻通考

卷一百一十五

經籍

三

未駕幸太學藺爲武學諭在班列中人物偉然上  
一見奇之自是擢用不由邑最徑爲察官馴至執  
政其在經帷論宮僚攀附而登輔佐者挾數用術  
道諛濟私陳義凜然嘉定以來其子孫不敢求仕  
亦不敢請諡至端平乃得諡

合齋集十六卷

陳氏曰祕書少監永嘉王柎木叔撰乾道丙戌進  
士在永嘉諸老最爲先登其容貌偉然襟韻灑然  
雖不以文自鳴而諸老皆推敬之

陳氏曰端明殿學士劍門黃裳文叔撰在嘉邸最久備盡忠益甲寅御極未及大用病不能朝士論惜之

攻媿集一百二十卷

陳氏曰參政四明樓鑰大防撰隆興癸未省試考作賦魁以犯諱當黜知舉洪文安遵奏收寘三甲首

西山真氏集敘曰公之文如三辰五星森麗天漢昭昭乎其可觀而不可窮如泰華喬嶽蓄泄雲雨巖巖乎莫測其顛際如九江百川波瀾蕩潏淵淵乎不見其涯溪人徒見其英華發外之盛而不知其本有在也公生於故家接中朝文獻博極羣書識古文奇字文備衆體非他人窘狹僻陋以一長名家而又發之以忠孝本之以仁義其大典冊大議論則世道之消長學術之廢興善類之離合繫焉方淳紹開鴻碩滿朝每一奏篇出其援據該洽義理條達者一詔令下其詞氣雄渾筆力雅健者學士大夫讀之必曰樓公之文也嗚呼所謂有本者如是非邪

文獻通考

卷一百一十五

經籍

四

齊齋甲臺二十卷

乙臺十五卷

翰林前臺二十卷

後稟二卷

掖垣詞草二十卷

兼山論著三十卷

附錄五卷

年譜一卷

陳氏曰禮部尚書歸安倪思正父撰丙戌進士戊戌宏詞受知阜陵早登禁直紹熙閒遂位法從立朝剛介不苟合慶元嘉定屢召屢出嘗言與其爲有瑕執政寧爲無瑕從官由是名重天下端平初詔以先朝遺直得諡文節

靜安作具十四卷

別集十卷

陳氏曰清江徐得之思叔撰與其子筠孟堅同甲辰進士次子天麟仲祥亦乙丑甲科其家長於史

文獻通考

卷一百一

經籍

五

學

晦巖集十二卷

陳氏曰祕書丞鹽官沈清臣正卿撰嘗爲國子錄有薦於朝欲得召試執政有發笑者曰安有張子蓋女壻而可爲館職者乎遂罷欲爲奇節以蓋之會王希呂爲諫官上書力言其不可孝宗大怒時相虞允文惡沈介下清臣大理風使引介不從謫封州晚乃召用勸孝宗力行三年喪爲翊善嘉邸以直諫稱初從張無咎學後居霅川自嶺南歸開門授徒動以聖賢自命效禪門入室規式與其徒

問答下語不契輒使再參頗爲人所譏

定齋集四十卷

陳氏曰寶謨閣直學士蔡戡定夫撰君謨四世孫

丙戌甲科

小山雜著八卷

陳氏曰知樞密院龍泉何澹自然撰

東江集十卷

陳氏曰丞相臨海謝深甫子肅撰

慈溪甲藁二十卷

陳氏曰寶謨閣直學士慈溪楊簡敬仲撰

文獻通考

卷一百一

經籍

六

鈍齋集六十卷

陳氏曰著作郎楊濟濟道撰淳熙五年進士京鐘

帥蜀上已出敖濟爲樂語首云三月三日豈無水

邊麗人一觴一詠亦有山陰禊事又云良辰美景

賞心樂事四者難并崇山峻嶺修竹茂林羣賢畢

至一時傳誦京爲相召入館權郎出知果州以終

周氏山房集二十卷 後集二十卷

陳氏曰祕書省正字吳郡周南南仲撰南有聲學

校庚戌登甲科而仕不偶再入館再罷以殿廷所

授文林郎終焉

水心葉氏墓誌曰君耽書喜誦出於天性十五六時視吳下問學止科舉心陋之一往旬日已棄去歲五易師一易師爲傾動相播告擯絕旣從余初若無所論質已而耳改目化氣竦神涌古今事物錯落高下不以涯量頓悟捷得受之若驚行之若疑標樹山嶽之上越軼風霆之外故朋昔類望塵不及皆靡弛而逝矣常以世道興廢爲己重負一飯不顧私憂時如家憂人如身人情多玩忽見事君憐心怛慮覩緩知亟考校小史引坐深語所知往往非人所能知也文詞撥去今作脫換騷雅欲

文獻通考

卷一百一十一

經籍

七

以力自成家而瑰麗精切達於時用亦非人所及也端行拱立尺寸程準門內順穆廉節整飭自賜第授文林郎終身不進官兩爲館職數月止旣絕意屏坐衣食敝惡雞鳴挾書晝夜分皆憶念上口數千載未了事皆欲正定名章偉著皆欲銓品異聞逸傳皆欲論述曰此所以遺吾老俟吾死也

平庵悔臺十五卷 後編六卷

陳氏曰太府卿松陽項安世平父撰悔臺者以語言得罪悔不復爲也自敘當慶元丙辰後編自丁

巳至壬戌

自敘項子題所爲文彙曰滑稽篇客曰是所謂文似相如始類俳之意非邪曰非也世之人無貴賤皆畏人笑獨滑稽者不畏人笑非獨不畏且甚欲之凡其貌服言動皆欲得人之笑人小笑之則小慳大笑之則大慳人不笑之則大媿若予之爲文亦若是耳人之笑予之藥也人小笑之則予亡其小病矣人大笑之則予亡其大病矣人不笑之則予之病其危哉是與滑稽之技無以異也客聞其說觀其文大笑冠帶盡脫項子赧然汗下矍然神醒曰予病瘳矣再拜謝客書以爲序

文獻通考

滑稽類

經籍

八

東平集二十七卷

陳氏曰鞏豐仲至撰淳熙甲辰進士

水心墓誌略曰時新迪義理之學草茅士震於見聞多襟露忱忸至他文史言論儒之藝業又昧陋顛倒莫知幅程獨仲至抑縱開闔條流品彙應變不迫富若素有余本拙疏不能自達而仲至廣導曲引出幽入眇蓋爲之黽勉追逐於荒原斷澗之側數年仲至日益有名不幸不得用然有以自負命雲侶月跨越汗漫浩乎不可挽而余畏懼怯劣常痼畱一榻不敢越戶限然後知人之稟分高下

絕殊固非切磋誘掖所能增長矣仲至學敏而早  
成自童卯時前輩源緒古今音節事之因革總統  
如注水千丈之壑迫前隨後宿艾駭服以爲積數  
十年燈火勤力聚數十家師友講明猶不能到也  
其文無險怪華巧而以理屈人片詞半牘皆清朗  
得言外趣尤工爲詩多至三千餘首

三松集十八卷

陳氏曰廬陵王子俊才臣撰周益公楊誠齋各以  
列薦補官入蜀爲成都帥幕

橫堂小集十卷

文獻通考

卷一百一

經籍

九

陳氏曰右司郎中福清林桶子長撰

潔齋集二十六卷

後集十二卷

陳氏曰禮部侍郎四明袁燮和叔撰

北山集略十卷

陳氏曰直龍圖閣三山陳孔碩膚仲撰全集未傳

育德堂外制集八卷 內制集三卷

陳氏曰兵部尚書永嘉蔡幼學行之撰成童穎異

從同郡陳傅良君舉學治春秋年十七試補上庠  
首選陳反出其下明年陳改用賦冠監舉而幼學

經魁又明年省闈先多士而陳傅良亦爲賦魁一

時師弟子雄視場屋莫不歆羨

水心葉氏墓誌曰公雖幼以文顯無浮巧輕艷之作旣長益務闡教化養性情花卉之炫麗風露之凄爽不道也詞命最温厚亦不自矜貴惟於國史研貫專一朱墨義類刊閏齊整各就書法爲續司馬公卿百官表年歷大事記備志辨疑編年政要列傳舉要等百餘篇今代之完書也天資凝重危坐竟日或不通一詞龍川陳同甫言吾嘗與陳君舉極論往往擊杯案聲撼林木行之在旁邈若無聞吾頗訥之衆亦云素無短長其閒也一日夜盡散忽語吾道一爾矣皇帝王霸之云吾方辨數而行之橫啓縱闔援今證古釐爲十百聚爲一二抵夜接日若懸江河吾謝不能乃已則復寡言默默如故故雖竝舍連榻不知也然則昔人謂得人於眉睫定士於俄頃亦豈盡然歟蓋公之中深隱厚可驗於是矣

止安集十八卷

陳氏曰太府寺丞三山陳振震亨撰

西山集五十六卷

陳氏曰參政浦城真德秀希元撰

文獻通考

卷一百一

經籍

十

平齋集三十二卷

陳氏曰翰林學士於潛洪咨夔舜俞撰

退菴集十五卷

陳氏曰提轄文思院龍泉陳炳撰

梅軒集十二卷

陳氏曰奉化丞山陰諸葛興仁叟撰

遯思遺藁六卷 事監韻語三卷

陳氏曰永康呂晦子陽撰遯思其菴名後溪劉光

祖德修爲作記當淳熙中投匭救父兄之難朝奏

上夕報可一時非辜盡得清脫其書辭甚偉然非

文獻通考

卷一百一十五

經籍

十一

孝廟聖明安能照覆盤之下哉

劉汝一進卷十卷

陳氏曰諫議大夫吳興劉度汝一撰度嘗應大科

此其所業也策曰傳言論曰鑑古各二十五篇

唯室兩漢論一卷

陳氏曰吳郡陳長方齊之撰紹興八年進士

鼎論三卷 時議一卷

陳氏曰三山何萬一之撰隆興元年進士仕爲都

司知漳州

治述十卷

陳氏曰從政郎鄭湜紹熙元年撰進按丙戌榜有三山鄭湜溥之是年已爲祕書郎面對劄子剴切通練於今傳誦此當別是鄭湜邪

廬山雜著一卷

陳氏曰知南康軍錢聞詩撰

閑靜治本論五卷 將論五卷

陳氏曰知樞密院廣陵張巖肖翁撰

林綱山集

福清林亦之學可撰後村劉氏序略曰余嘗評艾軒高處逼檀弓穀梁平處猶與韓竝驅他人極力

文獻通考

卷一百一十一

經籍

十一

摹擬不見其峻潔而古奧者惟見其寂寥而稀短者縱使逼真或可亂真猶虎賁之似蔡邕也至於綱山論著句句字字足以明周公之志得少陵之髓矣其律詩高妙者絕類唐人疑老師當避其鋒他文稱是

陳樂軒集

福清陳藻元潔撰後村劉氏序略曰樂軒七十五乃死年出於其師而窮尤甚於其師城中無片瓦僑居福清縣之橫塘開門授徒不足自給至浮游江湖崎嶇嶺海積緡得百千歸買田數畝輒爲人

奪去士之窮無過於此矣今讀其文講學明理浩  
乎自得不汲汲於希世求合螢窗雪案猶宗廟百  
官也菜羹脫粟猶堂食萬錢也入則課妻子耕織  
勤生務本有拾穗之歌焉出則與諸生弦誦登山  
臨水有舞雩之詠焉自昔遺佚阨窮之士功名頓  
挫時命齟齬往往有感時觸事之作以洩其無慘  
不平之鳴若虞卿之愁韓非之憤墨翟之悲梁鴻  
之噫唐衢之哭是已樂軒平生可愁可憤可悲可  
噫可哭之時多矣而以樂自扁樂之爲義在孔門  
惟許顏子先儒教人必令求顏氏之所樂嗚呼此  
固樂軒之所聞於二師歟樂軒沒二十餘年余從  
竹溪林侯肅翁傳鈔遺藁姑敘其平生大致如此  
肅翁又樂軒之高弟也他日居魏文貞之地秉陳  
叔達之筆當爲河汾先生立傳無使天下後世有  
遺恨云

李易安集十二卷

黽氏曰李格非之女幼有才藻名先嫁趙誠之其  
舅正夫相徽宗朝李氏嘗獻詩曰炙手可熱心可  
寒然無檢操後適張汝舟不終晚節流落江湖間

以卒

文獻通考

卷信望

經籍

三

閨秀集二卷

陳氏曰建安徐氏撰徐林穉山之從姑祥符敕頭  
爽之姪孫女嫁括蒼祝璣璣爲部使者有子曰永  
之嘗知滁州

德洪覺範筠溪集十卷

鼂氏曰僧惠洪覺範姓喻氏高安人少孤能緝文  
張天覺聞其名請住峽州天寧寺以爲今世融肇  
也未幾坐累民之及天覺當國復度爲僧易名德  
洪數延入府中及天覺去位制獄窮治其傳達言  
語於郭大信竄海南島上後北歸建炎中卒著書  
數萬言如林閒錄僧寶傳冷齋夜話之類皆行於  
世然多夸誕人莫之信云

石門文宗禪三十卷

陳氏曰德洪覺範撰其在釋門得法於眞淨克文  
而於士大夫則與黨人皆厚善誦習其文得罪不  
悔爲張商英陳瓘鄒浩尤盡力其文俊偉不類浮  
屠語韓駒子蒼爲塔銘云

饒德操集一卷

鼂氏曰饒節字德操曾布之客也性剛峻晚與布  
論不合因棄去祝髮爲浮屠在襄漢閒聲望甚重

云

陳氏曰節爲僧號如璧其詩名倚松集二卷

文獻通考

卷一百一十一

經籍

五

卷二百四十一終

文獻通考卷第二百四十二

鄱陽馬端臨貴與著

經籍考六十九

集 詩集

陳氏曰凡無他文而獨有詩及雖有他文而詩集復獨行者別為一類

阮步兵集

陳氏曰魏步兵校尉陳畱阮籍嗣宗撰其題皆曰詠懷首卷四言十三篇餘皆五言八十篇通為九十三篇文選所收十七篇而已

文獻通考

卷一百一

經籍

宋武帝集一卷

陳氏曰孝武駿也

梁簡文集五卷

陳氏曰簡文帝綱也按隋志八十五卷唐已缺五卷中興書目只存一卷詩百篇又缺其三首今五卷皆詩總為二百四十四篇

梁元帝詩一卷

陳氏曰即湘東王繹

謝惠連集一卷

陳氏曰宋司徒參軍謝惠連撰本集五卷今惟詩

二十四首惠連得名早輕薄多尤累故仕不顯死  
時才三十七歲

劉孝綽集一卷

陳氏曰梁祕書監彭城劉孝綽撰宋僕射勔之孫  
本傳稱文集數十萬言今所存止此又言兄弟及  
羣從子弟當時有七十人竝能屬文近古未有其  
三妹亦竝有才學適徐悱者文尤清拔所謂劉三  
娘者今玉臺集中有悱妻詩

柳吳興集一卷

陳氏曰梁吳興太守河東柳惲文暢撰僅有十八

文獻通考

卷一百一

經籍

二

首

徐孝穆集一卷

陳氏曰陳太子太傅東海徐陵孝穆撰本傳稱其  
文喪亂散失存者二十卷今惟詩五十餘篇

江總集一卷

陳氏曰陳尚書令考城江總總持撰總在陳爲太  
子詹事以宮端爲長夜之飲及後主卽位當權任  
日爲豔詩君臣昏亂以至亡國入隋爲上開府唐  
志集三十卷中興書曰七卷今惟存詩僅百首云

陰鏗集一卷

陳氏曰陳散騎常侍南平陰鏗子堅撰才三十餘篇杜子美云李侯有佳句往往似陰鏗今考之未見鏗之所以似太白者太白固未易似也子美云爾殆必有說

薛道衡集一卷

陳氏曰隋內史侍郎河東薛道衡元卿撰詩凡十九篇本集三十卷所存止此大抵隋以前文集存全者亡幾多好事者於類書中鈔出以備家數也史言道衡每至構文必隱空齋踏壁而臥聞戶外人聲便怒其沈思如此

文獻通考

藝文四

經籍

三

杜必簡集一卷

陳氏曰唐著作郎襄陽杜審言必簡撰工部之祖也唐初沈宋以來律詩始盛行然未以平仄失眼爲忌審言詩雖不多句律極嚴無一失黏者甫之家傳有自來矣然遂欲衡官屈宋則不可也

楊誠齋序略曰必簡嘗爲吉州司戶今戶曹趙君彥清旁按遠撫得其詩四十二首將刻棗以傳好詩且以爲戶廳之寶玉大弓屬予集之余觀必簡之詩若牽絲紫蔓長卽水荇牽風翠帶長之句也若鶴子曳童衣卽儒衣山鳥怪之句也若雲陰送

晚雷卽雷聲忽送千峯雨之句也若風光新柳報  
宴賞落花催卽星霜元鳥變身世白駒催之句也  
予不知祖孫之相似其有意乎抑亦偶然乎至如  
往來花不發新舊雪仍殘如日氣抱殘虹如愁思  
看春不當春明年春色倍還人如飛花攪獨愁皆  
佳句也三世之後莫之與京宜哉

薛少保集一卷

陳氏曰唐太子少保河東薛稷嗣通撰稷道衡曾  
孫魏徵外孫

喬知之集一卷

文獻通考

卷四百四

經籍

四

陳氏曰唐右司郎喬知之撰天授中爲酷吏所陷  
死集中有綠珠怨蓋其所由以致禍也

孟襄陽集三卷

陳氏曰唐進士孟浩然撰宜城王士源序之凡二  
百十八首分爲七類太常卿韋韜爲之重序

東坡謂浩然詩韻高而才短如造內法酒手而無  
材料耶

崔顥集一卷

陳氏曰唐司勳員外郎崔顥撰開元十年進士才  
俊無行黃鶴樓詩盛傳於世

祖詠集一卷

陳氏曰唐祖詠撰開元十二年進士

崔國輔集一卷

陳氏曰唐集賢直學士禮部員外郎崔國輔撰開元十三年進士應縣令舉爲許昌令天寶中加學士後以王錡近親坐貶詩凡二十八首臨海李氏本後又得石林葉氏本多六首

綦母潛集一卷

陳氏曰唐待制集賢院南康綦母潛孝通撰南康

今贛州

文獻通考

藝文類

經籍

五

儲光義集五卷

陳氏曰唐監察御史魯國儲光義撰與崔國輔綦母潛皆同年進士天寶末任僞官貶死顧況爲集序

常建集一卷

陳氏曰唐盱眙尉常建撰

王江寧集一卷

陳氏曰唐龍標尉江寧王昌齡少伯撰與常建俱開元十四年進士二十二年選宏詞超絕羣類爲汜水尉不護細行貶龍標世亂還里爲刺史閩邱

曉所殺爲詩緒密而思清

李頎集一卷

陳氏曰唐李頎撰開元二十三年進士

崔曙集一卷

陳氏曰唐崔曙撰開元二十六年進士狀頭

杜工部詩集注三十六卷

陳氏曰蜀人郭知達所集九家注世有稱東坡杜詩故事者隨事造文一一牽合而皆不言其所自出且其辭氣首末出一口蓋妄人依託以欺亂流俗者書坊輒勦入集註中殊敗人意此本獨削去之福清曾噩子肅刻版五羊漕司字大可考最爲善本

文獻通考

卷一百一

經籍

六

宋子京贊唐興詩人承陳隋風流浮靡相矜至宋

之間沈佺期等研揣聲音浮切不差而號律詩競

相沿襲逮開元閒稍裁以雅正然恃華者質反好

麗者壯達人得一槩皆自名所長至甫渾涵汪洋

千彙萬狀兼古今而有之他人不足甫力馱餘殘

膏膾馥沾丐後人多矣故元稹謂詩人以來未有

如子美者甫又善陳時事律切精深至千言不少

衰世號詩史昌黎韓愈於文章少許可至歌詩獨

推曰李杜文章在光燭萬丈長誠可信云

朱子語錄曰杜詩初年甚精細晚年橫逸不可當  
只意到處便押一箇韻如自秦州入蜀諸詩分明  
如畫乃其少作也人多說杜子美夔州詩好此不  
可曉夔州詩却說得鄭重煩絮不如他中前有一  
節詩好魯直一時固有所見今人只見魯直說好  
便却說好如矮人看場耳杜詩最多誤字蔡宗正  
異固好而未盡某嘗欲廢之作杜詩考異竟未暇  
也如風吹蒼江樹雨灑石壁來樹字無意思當作  
去字無疑去字對來字又如蜀有漏天以其西北  
陰盛常雨如天之漏也故杜詩云鼓角漏天東後  
人不曉其義遂改漏爲滿字似此類極多

門類杜詩二十五卷

陳氏曰稱東萊徐宅居仁編次未詳何人

類集詩史三十卷

陳氏曰莆陽方醇道溫叟編

王季友集一卷

陳氏曰唐王季友撰元結篋中集有季友詩二首

今此集有七篇而篋中二首不在焉杜詩所謂鄼

城客子王季友者意卽其人也耶

陶翰集一卷

陳氏曰唐禮部員外郎丹陽陶翰撰開元十八年進士次年宏詞

秦隱君集一卷

陳氏曰唐處士秦系公緒撰自天寶閒有詩名藩鎮奏辟皆不就嘗隱越之剡泉之南安至貞元中年八十餘不知所終此本南安所刻余嘗於宋次道寶刻叢章得其逸詩二首書冊末

岑嘉州集八卷

陳氏曰唐嘉州刺史南陽岑參撰文本之曾孫天

文獻通考

藝文類聚

經籍

八

寶三載進士爲補闕左史郎官與杜甫唱和

李嘉祐集一卷

陳氏曰唐台州刺史李嘉祐從一撰天寶七載進士亦號臺閣集李肇稱其水田飛白鷺夏木轉黃鸝之句王維取之以爲七言今按此集無之

右謝惠連陰鏗杜審言儲光羲王昌齡常建孟浩然岑參李嘉祐九家集鼉氏書錄在別集門所論已附在本門此更不重具

皇甫冉集一卷

鼉氏曰唐皇甫冉茂政丹陽人天寶十五載進士

爲無錫尉歷拾遺補闕卒與弟曾齊名當時比張氏景陽孟陽云集有獨孤及序

皇甫曾集一卷

陳氏曰唐侍御史皇甫曾孝常撰天寶十二載進士兄冉後曾三載登第

郎士元詩一卷

鼂氏曰唐郎士元字君胄中山人天寶十五載進士爲郢州刺史與錢起俱有詩名而士元尤更清雅時朝廷公卿出牧奉使若兩人無詩祖行人以爲媿

文獻通考

卷四百五

經籍

九

包何集一卷

陳氏曰唐起居舍人延陵包何幼正撰

包佶集一卷

唐史藝文志何佶皆包融之子兄弟齊名世稱二包融與儲光羲皆延陵人曲阿有餘杭尉丁仙芝緱氏主簿蔡隱邱監察御史蔡希周渭南尉蔡希寂處士張彥惟張湘校書郎張暈吏部常選周瑀長洲尉談戴句容有王府參軍殷遙硤石主簿樊光橫陽主簿沈如筠江寧有右拾遺孫處元處士徐延壽丹徒有江都主簿馬挺武進尉申堂構十八人皆有詩名殷

蟠彙次其詩爲丹陽集者

陳氏曰唐泌書監包佶選天寶六載進士兄何後  
一年

錢考功集二卷

鼂氏曰唐錢起徵之父吳郡人天寶中舉進士初  
從鄉薦客舍月夜聞人哦於庭曰曲終人不見江  
上數峯青起攝衣從之無所見矣及就試詩題乃  
湘靈鼓瑟也起卽以鬼謠十字爲落句主文李暉  
深嘉之擢至高第釋褐授校書郎終考功與郎士  
元齊名時曰前有沈宋後有錢郎

文獻通考

卷四百五

經籍

十

陳氏曰蜀本作前後集十三卷

韓翃集五卷

鼂氏曰唐韓翃君平南陽人天寶十三載進士淄  
青侯希逸宣武李勉繼辟幕府俄以駕部郎中知  
制誥終於中書舍人翃詩興致繁富朝野重之  
陳氏曰翃以春城飛花之句受知德宗

顧況集二卷

鼂氏曰唐顧況字逋翁蘇州人至德二年江東進  
士善爲歌詩性諧談德宗時柳渾輔政以祕書郎  
召況善李泌及泌相自謂當得達官久遷著作郎

及泌卒有調笑語貶饒州司戶卒集有皇甫湜序  
陳氏曰湜嘗言吾自爲顧況作序未嘗許他人況  
在唐蓋爲人推重也集本十五卷今止五卷不全  
嚴維集一卷

陳氏曰唐祕書郎山陰嚴維正文撰至德二載辭  
藻宏麗科

耿湣集一卷

陳氏曰唐右拾遺河東耿湣撰寶應二年進士登  
科記一作緯

韋蘇州集十卷

文獻通考

卷四百五

經籍

十一

陳氏曰唐韋應物京兆人天寶時爲三衛後作洛  
陽丞京兆府功曹知淝江二州召還或媚其進媒  
孽之出爲蘇州刺史詩律自沈宋以後日益靡曼  
鏐章刻句揣合浮切雖音韻諸婉屬對麗密而閑  
雅平淡之氣不存矣獨應物之詩馳驟建安以還  
得其風格云

韓子蒼曰蘇州少以三衛郎事元宗豪縱不羈元  
宗衲始折節務讀書故其逢楊開府詩曰少事武  
皇帝無賴恃恩私身作里中橫家藏亡命兒朝持  
檇蒲局暮竊東鄰姬司隸不敢捕立在白玉墀一

字都不識飲酒肆頑癡云云然余觀其人爲性高  
潔鮮食寡欲所居掃地焚香而坐與豪縱者不類  
其詩清深妙麗雖唐詩人之盛亦少其比又豈似  
晚節把筆學爲者豈蘇州自序之過歟

徐師川云韋蘇州詩人多言其古淡乃是不知言  
自李杜以後古人詩法盡廢惟蘇州有六朝風致  
最爲流麗

司空文明集三卷

陳氏曰唐虞部郎中京兆司空曙文明撰別本一

卷才數篇

文獻通考

卷一百一十五

經籍

三

李端司馬集三卷

鼂氏曰唐李端趙州人大歷五年進士爲校書郎  
卒官杭州司馬郭曖尙昇平公主賢明招納士類  
故端等皆客之當坐上賦詩奇甚主大加稱歎錢  
起曰素爲之請賦起姓端立獻一篇云新開金埒  
看調馬舊賜銅山許鑄錢起乃服主喜厚賜之

盧綸詩一卷

鼂氏曰唐盧綸與中孚韓翃錢起司空曙苗發崔  
岡耿緯夏侯審李端皆能詩齊名號大歷十才子  
綸字允言累舉進士不第

李益詩一卷

鼂氏曰唐李益君虞姑臧人大歷四年進士調鄭縣尉幽州劉濟辟從事憲宗雅聞其名召爲集賢殿學士負才凌籍士衆不能堪暴其獻濟詩不上望京樓之句以涉怨望詔降秩俄復舊益少負詞藻長於歌詩與宗人賀齊名每作一篇樂工以賂求取被聲歌供奉天子征人早行詩天下皆施之圖畫今集有從軍詩五十首而無此詩惜其放逸多矣

陳氏曰益宰相揆之族子舊史本傳指其少有癡

文獻通考

卷一百一十五

經籍

三

疾防閑妻妾過於苛酷有散灰扃戶之談聞於時故時謂之妒癡爲李益疾按世傳霍小玉傳所謂李十郎詩開簾風動竹疑是故人來者卽益也舊史所載如此豈小玉將死訣絕之言果驗耶抑好事者因其有此疾遂爲此說以實之也

孟東野詩集十卷

鼂氏曰唐孟郊東野湖州人貞元十二年進士調

溧陽尉辟爲興元參謀卒郊少隱嵩山性介寡合

韓愈一見爲忘形交爲詩有理致然思苦澀李觀

論其詩曰高處在古無上平處下顧二謝云張籍

諡爲貞曜先生集宋次道重編先時世傳汴吳鏤本五卷一百二十四篇周安惠本十卷三百三十一篇別本五卷三百四十篇蜀人蹇濬周退之贈郊句纂咸池集二卷一百八十篇自餘不爲編秩雜錄之家家自異次道總拾遺逸摘去重復若體製不類者得五百十一篇四十聯句不與焉一贊二書附於後郊集於是始有完書

穎濱蘇氏曰唐人工於爲詩而陋於聞道孟郊嘗有詩曰食菁腸亦苦強歌聲無歡出門如有礙誰云天地寬郊耿介之士雖天地之大無以安其身

文獻通考

卷一百一十五

經籍

十四

起居飲食有感感之憂是以卒窮以死而李觀盛稱之至韓退之亦談不容口甚矣唐人之不聞道也孔子稱顏子在陋巷人不堪其憂回也不改其樂與郊異矣

朱倣詩一卷

鼂氏曰唐朱倣字長通襄陽人隱居剡溪嗣曹王臯鎮江西辟節度參謀貞元初召爲拾遺不就

朱灣集一卷

陳氏曰唐永平從事朱灣撰自號蒼洲其爲從事李勉辟之也

麴信陵集一卷

鼂氏曰唐麴信陵貞元元年進士爲舒州望江令以卒

長孫佐輔集一卷

陳氏曰唐長孫佐輔撰按百家詩選云德宗時人其弟公輔爲吉州刺史往依焉當必有所據也其詩號古調集

柳宗元詩一卷

陳氏曰唐柳宗元撰子厚詩在唐與王摩詰韋應物相上下頗有陶謝風氣古律絕句總一百四十

文獻通考

藝文類聚

經籍

五

五篇在全集中不便於觀覽因鈔出別行

東坡曰蘇李之天成曹劉之自得陶謝之超然固已至矣而杜子美李太白以英偉絕世之資凌跨百代古之詩人盡廢然魏晉以來高風絕塵亦少衰矣李杜之後詩人繼出雖有遠韻而才不逮意獨韋應物柳子厚發纖穠於簡古寄至味於淡泊非餘子所及也唐末司空圖崎嶇兵亂之間而得詩人高雅獨有承平之遺風其論詩曰梅止於酸鹽止於鹹飲食不可無鹽梅而其美常在於鹹酸之外可以一唱而三歎也子厚詩在陶淵明下韋

蘇州上退之豪放奇險則過之而溫麗靖深不及也所貴於枯淡者謂外枯而中膏似淡而實美淵明子厚之流是也若中邊皆枯亦何足道佛言譬如食蜜中邊皆甜人食五味知其甘苦者皆是能分別其中邊者百無一也

後村劉氏曰柳子厚才高他文惟韓可對壘古律詩精妙韓不及也當舉世爲元和體韓猶未免諸俗而子厚獨能爲一家之言豈非豪傑之士乎昔何文縝嘗語李漢老云如子厚詩人豈可不學他作數百首漢老退而歎曰得一二首似之足矣文縝後從北狩病中詩云歷歷通前劫依依返舊魂人生會有死遺恨滿乾坤雖意極忠憤而語不刻急亦學柳之驗

張籍詩集五卷

鼂氏曰唐張籍文昌和州人貞元十五年登進士第終國子司業籍性狷急爲詩長於樂府多警句元和中與白樂天孟東野歌詞天下宗之謂之元和體一本纔三卷

陳氏曰張洎所編錢公輔名木鐸集與他本相出入亦有他本所無者凡十二卷近世湯中季庸以

諸本校定爲張司業集八卷且考訂其爲吳郡人  
魏峻叔高刻之平江續又得木鐸集凡他本所無  
者皆附其末

王建集十卷

陳氏曰唐陝州司馬王建仲和撰建長於樂府與  
張籍相上下大歷十年進士歷官昭應縣丞太和  
中爲陝州司馬尤長宮詞在集中第十卷錄出別  
行

漁隱叢話余閱王建宮詞選其佳者亦自少得只  
世所贈炙者數詞而已其閒雜以他人之詞如閑

文獻通考

卷一百一十五

經籍

七

吹玉殿昭華管醉折黎園縹蒂花十年一夢歸人  
世絳縷猶封繫臂紗銀燭秋光冷畫屏輕羅小扇  
撲流螢天階夜色涼如水臥看牽牛織女星竝杜  
牧之也淚滿羅巾夢不成夜深前殿按歌聲紅顏  
未老恩先斷斜倚薰籠坐到明此白樂天也寶杖  
平明金殿開暫將紈扇共徘徊玉顏不及寒鴉色  
猶帶昭陽日影來此王昌齡也建詞凡百有四篇  
又逸詞九篇或云元微之亦有詞雜於其閒余以  
元氏長慶集檢尋却無之或者之言誤矣

舊跋王建太和中爲陝州司馬與韓愈張籍同時

而籍相友善工爲樂府歌行思遠格幽初爲渭南尉與宦者王守澄有宗人之分因過飲相譏戲守澄深憾曰吾弟所作宮詞禁掖深邃何以知之將奏劾建因以詩解之曰先朝行坐鎮相隨今上春宮見長時脫下御衣偏得著進來龍馬每教騎嘗承密旨還家少獨奏邊情出殿遲不是當家頗向說九重爭遣外人知事遂寢宮詞凡百絕天下傳播倣此體者雖有數家而建爲之祖也

李長吉集四卷

鼂氏曰唐李賀長吉鄭王之孫七歲能詞章韓愈

文獻通考

卷四百五

經籍

六

皇甫湜聞之過其家使賦詩援筆輒就自曰曰高軒過二人大驚年二十七終協律郎詞賀尙奇詭爲詞未始先立題所得皆警邁遠去筆墨畦徑當時無能倣者樂府十數篇雲韶工合之絃管云或說賀卒後不相悅者盡取其所著投園中以故世傳者不多外集予得之梁子美家姚鉉頗選載文粹中

粹中

宋景文諸公在館嘗評唐人詩云太白仙才長吉鬼才然長吉有鴈門太守詩曰黑雲壓城城欲摧甲光向日金鱗開王安石曰是兒言不相副也方

黑雲如此安得向日之甲光也

朱子語錄曰李賀詩巧然較怪不如太白自在  
後村劉氏曰樂府惟李賀最工張籍王建輩皆出  
其下然全集不過一小冊世傳賀中表有妒賀才  
名投其集溷中故傳於世者極少余竊意不然天  
地閒尤物且不多得況佳句乎使賀集不遭厄必  
不能一一如今所傳本之精善疑賀手自銓擇者  
耳

盧全集一卷

晁氏曰唐盧仝范陽人隱少室山號玉川子徵諫

文獻通考

卷四百三

經籍

九

議不起唐史稱韓愈爲河南令愛其詩厚禮之嘗  
作月蝕詩以譏元和逆黨愈稱其工按其詩云元  
和庚寅蓋五年也憲宗遇弒在十五年後十歲也  
豈追託庚寅歲事爲詩乎不然則史誣也後死於  
甘露之禍

陳氏曰凡三卷其詩古怪而女兒曲小婦吟有所  
思諸篇輒嫵媚豔冶其第三卷號集外詩凡十首  
慶歷中有韓盈者爲之序川本止前二卷

劉又詩一卷

晁氏曰唐劉又少嘗任俠殺人後更折節讀書善

歌詩客韓愈門作水柱雪車二詩出盧仝李賀右歸齊魯不知所終今集二十餘篇不載二詩

陳氏曰凡二卷又附見新史韓愈傳不知何處人其水柱雪車二詩狂怪誠出盧仝右然豈風人之謂哉

### 楊巨源詩一卷

鼂氏曰唐楊巨源字景山河中人貞元五年第進士爲張弘靖從事自祕書郎擢太常博士遷禮部員外郎出爲鳳翔少尹復召除國子司業巨源在元和中詩韻不造新語體律務實用功頗深旦暮

### 文獻通考

卷一百一十五

經籍

三

搖首微詠不輟年老成疾嘗贈弘靖詩敘其世家云伊陟無聞祖章賢不到孫時人稱之年滿七十丐歸時宰惜其去以爲其鄉少尹不絕其祿太或以官壽卒

陳氏曰凡五卷按韓退之有送楊少尹序蓋自司業爲少尹稱其都少尹者乃其鄉里也藝文志乃云太和河中少尹誤第三卷末二十餘篇有目無詩

### 武元衡臨淮集兩卷

鼂氏曰唐武元衡伯蒼河南人建中四年進士元

和二年以門下侍郎平章事出爲劍南節度八年復秉政明年早朝遇盜害之元衡工五言詩好事者傳之被於管絃嘗夏夜作詩曰夜久喧暫息池臺惟月明無因駐清景日出事還生翌日遇害舊有臨淮集七卷此其二也議者謂唐世工詩宦達者唯高適宦達詩工者唯元衡

陳氏曰初用莆田李氏本傳錄後以石林氏本校益六首及李吉甫唱酬六首川本作二卷

張碧歌詩集一卷

陳氏曰唐張碧太碧撰藝文志云貞元時人集中

文獻通考

卷四百一

經籍

五

有覽貫休上人詩或勦入之也

陳羽集一卷

陳氏曰唐東宮衛佐陳羽撰貞元八年陸贄下第

二人

羊士鶚詩一卷

鼂氏曰唐羊士鶚貞元元年進士第順宗時爲宣歙巡官王叔文所惡貶汀州寧化尉元和初李吉甫知弊擢監察御史掌制誥嘗出爲資州刺史陳氏曰竇羣引士鶚爲御史共傾李吉甫

鮑溶詩五卷

鼂氏曰唐鮑溶字德源元和四年進士集中有別韓博士愈詩云不知無聲淚中感一顧厚蓋退之所嘗推激也張薦謂溶詩氣力宏贍博識清度雅正高古衆才無不備具曾子固亦愛其詩以史館本及歐公所藏互校得二百三十三篇今本有一百九十二篇餘逸

南豐曾氏曰鮑溶詩集六卷史館書舊題云鮑防集五卷崇文總目敘別集亦然知制誥宋敏求爲臣言此集詩見文粹唐詩類選者皆稱鮑溶作又防之雜感詩最顯而此集無之知此詩非防作也

文獻通考

卷四百三

經籍

三

臣以文粹類選及防雜感詩考之敏求言皆是又得參知政事歐陽修所藏鮑溶集與此集同然後知爲溶集決也史館書五卷總二百篇歐陽氏書無卷第纔百餘篇然其三十三篇史館書所無今別爲一卷附於後而總題曰鮑溶詩集六卷蓋自先王之澤熄而詩亡晚周以來作者嗜文辭杼情思而已然亦往往有可采者溶詩尤清約謹嚴而違理者少亦近世之能言者也故旣正其誤謬且著其大旨以傳焉

陳氏曰唐左拾遺扶風竇叔向撰包何爲序羣庠  
牟鞏皆其子也

賈長江集十卷

鼉氏曰唐賈島浪仙詩共三百七十九首唐書稱  
島范陽人初爲浮屠名無本後從韓愈遂去浮屠  
舉進士累舉進士不第文宗時坐飛謗謫長江主  
簿會昌初終普州司倉參軍今長汪祠堂中有石  
刻大中九年墨制大中宣宗年號與傳不合據言  
又載武帝時謫去尤差誤

陳氏曰韓退之有送無本詩卽其人也後返初舉

文獻通考

卷第四百三

經籍

三

進士不第文宗時坐飛謗貶長江會昌初以普州  
參軍卒本傳所載如此今遂寧刊本首載大中墨  
制云比者禮部奏卿風狂遂且養疾關外今却攜  
卷軸潛至京城遇朕微行聞卿諷詠觀其志業可  
謂屈人是用顯我特恩賜卿墨制宜從短簿別俟  
殊科與傳所稱飛謗不同蓋宣宗好微行小說載  
島應對忤旨好事撰此制以實之安有微行而顯  
著訓詞者首稱奏卿風狂尤爲好笑當以本傳亦  
據其墓誌也唐貴進士科故誌言責授長江如溫  
飛卿亦謫方城尉當時謂鄉貢進士不博上州刺

史則簿尉固宜謂之責授欲使今世進士得罪而責授簿尉則惟恐責之不早耳

姚少監集十卷

晁氏曰唐姚合也崇曾孫以詩聞元和十一年李逢吉知舉進士歷武功主簿富平萬年尉寶應中監察殿中御史戶部員外郎歷金杭二州刺史爲刑戶二部郎中諫議大夫給事中陝虢觀察使開成末終祕書監世號姚武功云

陳氏曰川本卷數同編次異

莊南傑集一卷

文獻通考

卷四百三

經籍

五

陳氏曰進士莊南傑撰與賈島同時

李涉歌詩一卷

鼂氏曰唐李涉渤之弟也早從陳許辟一再謫官夷陵太和中和爲太學博士自號清溪子渤三詩附

殷堯藩集一卷

陳氏曰唐侍御史殷堯藩撰元和九年進士

章孝標集一卷

陳氏曰唐祕書省正字章孝標撰元和十四年進

士

熊孺登集一卷

陳氏曰唐西川從事熊孺登撰元和中人執易其從姪也

施肩吾西山集五卷

鼂氏曰唐施肩吾吳興人元和十五年進士以豫章之西山乃十二真仙羽化之所心慕之因卜隱焉且以名其所著自爲之序

雍裕之集一卷

陳氏曰唐雍裕之撰未詳何時人

雍陶詩五卷

鼂氏曰唐雍陶國鈞太和八年進士大中六年自

文獻通考

卷一百一十五

經籍

十五

圓子毛詩博士出刺簡州唐志集十卷今亡其半

張南史集一卷

陳氏曰唐試參軍范陽張南史撰

唐史藝文志南史字季直幽州人以試參軍避亂於揚州再召之未赴而卒

王涯集一卷

陳氏曰唐宰相王涯廣津撰

袁不約集一卷

陳氏曰唐袁不約還樸撰長慶三年進士其年試

麗龜賦

李紳追昔游集三卷

鼂氏曰唐李紳公垂也亳州人元和元年進士補國子助教穆宗召爲翰林學士累進中書舍人武宗卽位拜中書侍郎平章事紳爲人短小精悍於詩最有名號短李與李德裕元稹同時號三俊追昔游者蓋賦詩紀其平生所遊歷謂起梁漢歸諫署升翰苑及播越荆楚逾嶺嶠上高安移九江過鍾陵守滁陽轉壽春留洛陽廉會稽分務東周守蜀鎮梁也開成戊午八月自爲之序

文獻通考

卷稽聖

經籍

三

陳氏曰皆平生歷官及遷謫所至述懷紀遊之作也余嘗書其後云讀此篇見其飾志矜能夸榮殉勢益知子陵元亮爲千古高人

朱景元集一卷

陳氏曰唐太子諭德朱景元撰

朱慶餘集一卷

陳氏曰唐朱可久慶餘撰以字行受知於張籍竇歷二年進士

卷二百四十二終



